

Lum d'autona.

Qual es que te cantariá  
Lum tant bèl de fin d'autona ?  
Quane pintre n'i perdriá  
Son engen e sa corona ?

Aqueles ròses morents  
Color de carn, color d'auga,  
Aquila color del temps,  
De la Pèl d'Ase la rauba ?

Aquel blu que s'apallís  
Per venir banhar los aures ?  
Aquel òr palle, aquel gris ?  
Nòstres pincèls son tròp paures !...

...Lum amic, lum qu'en aval  
Empòrta la nuèit marrida,  
Adiu ! Ton darrier badal  
Se me laissa alangorida,

N'empòrta pas la doçor  
Qu'en ma parelha amagada  
La gardarai estremada...  
D'aquí que tòrnes un jorn  
Benlèu... lum encantador...

Clardeluna.